

24. april 2014

UPA 2014/68  
Karl Lyberth

Aatsitassarsiortoqarnissaanut aammalu suliffissuaorujussualiortoqarnissaanut siunissami periarfissaalersinnaasut tunngavigalugit nunatsinnut tikisillugit suliartortitassatut pisariaqartinneqarumaartussat pillugit ersarissaassutaasumik naliler-suinermullu atorneqarsinnaasumik Inatsisartut 2014-mi ukiakkut ataatsimiinneranni saqqummiunneqartussamik Naalakkersuisut nassuaasiornissaannik aalajangiiffigisassatut siunnersuut. Nassuaammi ilaatinneqassapput isumaginninnikkut, kulturikkit aammalu ulluinnarni inuunermi kingunerusinnaasutut naatsorsuutigineqartut. Naalakkersuisut qinnuigineqarput nassuaat naggaserneqassasoq sulisussanik pisariaqartitsinerup ersarissarneqarneranik tassungalu atatillugu kalaallit piginnaasaannut, sulilernissaminnut piareersimassusaannut aammalu nuttarsinnaanermut piareersimassusaannut tunngassuteqartut ersarissitinneqarnerannik.

(Inatsisartuni ilaasortat Knud Kristiansen aamma Gerhardt Petersen, Atassut)

Inatsisartunut ilaasortat Atassummeersut Knud Kristiansen aamma Gerhardt Petersen siunnersuuteqarput aatsitassarsiortoqarnissaanut aammalu suliffissuarujussualiortoqarnissaanut siunissami periarfissaalersinnaasut tunngavigalugit nunatsinnut tikisillugit suliartortitassatut pisariaqartinneqarumaartussat pillugit ersarissaassutaasumik naliler-suinermullu atorneqarsinnaasumik Inatsisartut 2014-mi ukiakkut ataatsimiinneranni saqqummiunneqartussamik Naalakkersuisut nassuaasiornissaannik aalajangiiffigisassatut siunnersuut. Nassuaammi ilaatinneqassapput isumaginninnikkut, kulturikkit aammalu ulluinnarni inuunermi kingunerusinnaasutut naatsorsuutigineqartut. Naalakkersuisut qinnuigineqarput nassuaat naggaserneqassasoq sulisussanik pisariaqartitsinerup ersarissarneqarneranik tassungalu atatillugu kalaallit piginnaasaannut, sulilernissaminnut piareersimassusaannut aammalu nuttarsinnaanermut piareersimassusaannut tunngassuteqartut ersarissitinneqarnerannik.

Aallarniutitalugu Siumumit oqaatigissavarput siunnersuut tapersinnginnatsigu. Siumumi isumaqarpugut siunnersuut piviusunngortinnejassagaluarpat pisariaqanngitsumik annertorujussuarmik, annertuallaartumillu sulinermik kinguneqassasoq.

Siumumi isumaqarpugut siunnersuuteqartut anguniagaat, soorlu suliniutini angisuuni aatsitassarsiornernilu inuiaqatigiinnut isumaginninnikkut, kulturikkut aammalu ulluinnarni inuunermi kingunerisinhaasaat pillugit Naalakkersuisut nassuaasiornissaannik piumasaqarneq, inatsisit atuuttut malillugit pisussaaffioreersoq.

Aatsitassat pillugit ingerlatallu tamatumunnga pingaarutilit pillugit inatsisartut inatsisaat nr. 7, 7. december 2009-imeersoq (aatsitassanut ikummatissanullu inatsit), kiisalu Suliniutini angisuuni illuliorternernik sanaartornernillu suliassat pillugit Inatsisartut inatsisaat nr. 25, 18. december 2012-imeersoq, aqqutigalugit siunnersuuteqartut anguniagaasa piviusungortinnejarnissaasa isumannaarnejarnissaat aqqutissiuunnejareersutut Siumumit isumaqarpugut.

Aatsitassanut ikummatissanullu inatsimmi 2009-meersumi kapitalini 16, 17 aamma 18 naapertorlugit inuiaqatigiinni piujuartussamik iluaqutaasumik sunniutissanik nalilersuinissaq suliffeqarfinnut ingerlatsisussanut piumasaqaataareeropoq.

Taamatuttaaq suliniutini angisuuni illuliorternernik sanaartornernillu suliassat pillugit inatsimmi 2012-imi aammaarluni qulakkeerniarnejarpooq siunnersuuteqartut siunniuffiisa piviusunngortinnejartinnissaat.

Taamaattumik Siumumi oqareernitsitut isumaqarpugut siunnersuuteqartut anguniagaasa piviusunngortinissaat inatsisit atuuttut qulakkeereeraat.

Assersuutitut taaneqarsinnaavoq Maniitsup eqqaani aluminiumik aatsitsivimmik pilersaa-  
ruteqartoqalerterata malitsigisaanik aatsitsivissap sunniutigisinnaasai assigiingitsorpassuit  
pillugit nalunaarusiat annertuut suliarujussuillu sanatinnejarnikuupput.

Aatsitsivilornissamut atatillugu ukiuni 2007-mit aallartittumik ukiuni arlalinni ingerlan-  
neqartumik nalunaarusiat, ilaatigut pinngortitamut, kulturimut, peqqinnissamut, illoqar-  
fimmut, inuiaqatigiinnut, nuttarusussusermut, sulerusussusermut, inooriaatsimut, ilaqua-  
riissutsimut allanullu tunngassuteqartunut sunniutissaat pillugit suliarineqarnikuupput.

Taamatuttaaq Isukasiani aatsitassarsorfimmik pilersaaruteqartoqalerterat inuiaqatigiinnut sunniutaasinnaasut pillugit suliad annertoorujussuit ingerlannejarpooq. Tassani ilaatigut suliarineqarluni inuiaqatigiinni piujuartussamik iluaqutaasumik sunniutissanik nalilersuineq quppernernik 400-t tungaanut quppernilik.

Naatsumik oqaatigalugu inatsisini atuuttuni piumasaqaatit naapertorlugit suliniutini pineqartuni inuiaqatigiinnut kingunissaat pillugit nalunaaruterpassuit tusind-inik arlalinnik quppernillit sananeqarnikuupput, taamaattuminguna Siumumi isumaqartugut siunnersu-  
teqartut anguniagaat inatsisini atuuttuni angusassatut qulakkeerneqareersut. Pisaria-  
qanngitsorlu suliarpassuit pioreersut, pisussallu qaavatigut suliakkiinissaq, annerto-  
rujussuarmik allaffisornermik aningasarpassuarnillu atuinermik kinguneqartoq.

Taamatut oqaaseqarluta siunnersuut saqqummiunnejartoq itigartipparput.